

docriver 文川网
古籍书城
入駐商家
在文川网搜索古籍书城 获取更多电子书

中國方志叢書·第五十六號


據 民國九年 大青修 賴際熙纂 影印

廣東省

赤溪縣志

(全)

成文出版社印行



2019.10.9

48117

中華民國五十六年十二月壹一版

赤溪縣志

全一冊

定價：新台幣二〇〇元正

發行人：黃成助

臺北郵政信箱二二六〇五號

出版者：成文出版社

臺北郵政信箱二二六〇一〇五號
電話：九二二〇一〇五號

印刷者：正大印製廠

三重市長生街二號之一



內政部登記證內版臺業字第一一四七號

中國方志叢書導言

論方志在史籍中的地位及功用

論我國史籍的源流，要以尚書和春秋最古。章學誠（一七三八—一八〇一）有六經皆史的說法，認為古人未嘗離事而言理，六經皆是先王的政典。龔自珍（一七九二—一八四一）認為六經是周史的宗子。易經是卜筮的史，書經是記言的史，春秋是記事。國風是史官採自民間的詩而要付之司樂的，雅頌是史官採自士大夫的，禮記是一代的律令，皆歸史官守藏。這樣看來，都是與史有緣的。參證後來把會典、通典、通考各種專記律令文獻的著作，也例入史籍，適足說明我們要研究社會全面文化的時候，自然會擴大史料的徵集範圍。否則，只能局限在政治史的小圈子裡。無論如何，依今日圖書分類愈趨精密的眼光來看，尚書和春秋，總該是上古的珍貴史籍。

自從漢代司馬遷作史記，班固父子作漢書，一般人的觀念中便有經和史的分辨。魏晉南北朝以至唐初，私家修史的風氣大開，詩賦雜說，論著更多，彙存的書籍越來越豐富。本來根據內容把圖書分類列為七略，到了晉時又有四部的劃分。把兵書、方技、術數併入子部，詩賦歸入集部，成為經、史、子、集四部。這種分類的意義，好像是說，經是民族的大本原，史是社會文化發展的跡象，子是個人發掘的理性，集是個人自由精神的感情表現。經史高高在上，冥冥中鑄成東方文化注重通貫綜合的學術精神特色，只求互相涵攝並存，蔑視抽象的分派對立，技藝在學術上不被尊重，於是文人學士把經史纏在一起，甚至文史也弄得分拆不開。一直傳沿到清代乾隆開館重整四庫，分類仍然照舊，史部中羅列了十五類子目，而方志只有一五〇種。史籍雖然很多，後人却終不能整編歸納成一部完備而有系統的中國通史和文化史。試看民國十九年瞿兌之在方志考稿序中嘆道：「吾國人之不能認識了解吾民族性者蓋有由矣，無真史故也。史不能明全體社會活動之迹，而徒措意於一二人之殊功美行，亦猶乎吾曹今日但知環吾左右者之思想行動大抵相同，而不知距吾曹稍遠者其思想行動乃膠附於數百千年之前而少所變也。」又余紹宋也在方志考稿序三中慨說：「今者國史之業，既無專司，而著作體裁亦宜畧變。必當參用通志之例，廣載各地方社會情形，而不能偏重於中央政治，乃事理之當然，亦時勢所必至，若是則有賴於方志者益多。近世以來，政治凌夷，雖屢變而不能中理合度協於人情，國事蹉跎，職是之由。」這樣看來，我國累存的史料確是不少，可惜史學研究上還待重行檢討哩！

docsriver 文川网
入驻商家 古籍书城

在文川网搜索古籍书城 获取更多电子书

唐宋以來，史籍的編纂却也演進許多，官修的演化爲編年體的皇家實錄、紀傳體的正史、有關禮法的會典、偏重地理的方志；私修的也有紀傳體的正史、別史、編年體的通鑑、以事爲綱的紀事本末、屬於典志的通考、通典專史，體裁和內容都有進步。史學上也誕生了兩位傑出人物。一位是唐代的劉知幾（六六一—七二一），他取諸家所作的史籍，闡明義例，商榷利弊，遺存傳世的有史通一書，獨具評論性。另一位是章學誠（一七三八—一八〇一），曾爲和州、永清、亳州修志，又做過畢沅的幕僚，修纂湖北通志。他是重視方志，親歷其事，而又提出具體建議的第一人。這兩位皆是值得推崇的史學碩彥。

人類自從有了時間觀念，再也斬不斷過去、現在、未來的鎖鏈，這是歷史興趣的根源。有了空間觀念，又渴求地理的知識。生活演進，使文物制度日漸繁複。歷史的探討便由幾何直線擴展到橫面的伸展。中國的土地大，人口多，山川氣候不同，先前的交通遠不及近日方便，更容易形成地方特色。只憑少數人編纂的國史，顯然不能囊括各地的社會全盤現象。地方志隨時代前進，倡於明代，盛於清代，現已成爲史籍中的要角了。這便是我們要介紹方志的緣由。

方志自從明代提倡編纂，清代便昌盛起來。托庇於國學首先注重經史，再加文史素來兼顧的餘輝，早年館庫所收的方志，皆有特定的水準。其實，在政府的通令鼓勵下，各地主纂方志的，莫不兢兢業業，收集的史料，皆是可資信實的，並不限於官府的藏本。據朱士嘉統計：清代編成的地方志有四、六五五種，康熙間完成一、二八六種，乾隆間又有一、〇二四種；直隸最多，有四〇三種，四川、江西、山東、河南、陝西、浙江皆各有三百種以上。他在一九三〇年統計我國方志便有四、九一二種，一九三五年統計總數爲五、八三二種，九三、二三七卷，一九三八年又查知七三〇種，一九五八年再查知七〇〇種。這樣，總數就達到七、二六二種。比起正史來，卷帙浩繁，真不是任何人可以憑他一生精力而能全部瀏覽一遍的。但是我們原也不必去做那種迂事。祇要知道這是歷史方面還未開發的山林，可以發掘的寶藏很多。現在試依顧頡剛在中國地方志綜錄序引述的一般方志紀事要目如下：地理——沿革、疆域、面積、分野；政治——建置、職官、兵備、大事記；經濟——戶口、田賦、物產、關稅；社會——風俗、方言、寺觀、祥異；文獻——人物、藝文、金石、古蹟；便知方志內容廣泛，而且它的取材，來自檔案、函札、碑碣，是很可信實的。真正說「以校正史，則正史顯其粗疏」而已。這是說地方志在數量和內容方面也成爲史籍中的要角。

民國十九年豐兌之出版方志考稿，賅括江蘇、河北、山東、河南、山西、遼寧、吉林、黑龍江八省的方志，一一列明了纂修年月、纂修人姓名、舊志沿革、卷數目次，並且辨體例，評得失，尤其注意特殊史料，是輔導研讀方志的文獻。此外，民二十年故宮所藏方志編目刊行，二十二年國立北平圖書館承京師圖書館和北海圖書館合併之後，藏有方志三千八百餘種，也編有目錄。

二十三年朱士嘉編中國地方志綜錄，羅列了五千多種。朱士嘉在北平所見的不過三千種，後又訪得上海涵芬樓直省志目，徐家匯天主堂藏書、金陵大學、南洋中學、中山大學諸書目，並知王綏珊藏有一千多種，又索得美國國會圖書館方志簡目、日本內閣文庫、宮內省圖書寮、日本帝國圖書館等志目，遂完成了蔚為大觀的綜錄。令人驚異的是國外的巴黎和越南的遠東圖書館，美國哈佛大學也藏有我國的方志，國內的教會校館更對方志發生興趣，這個時代的中西史學精神也就可以窺見一斑。

我國昔日的史家似乎拘束於史料的體例形式，精神已墮入治亂衰替的循環律陷阱，偏重政治史的小圈子，不敢放胆解釋人性各方面活動史實，但是今日經過科學洗禮以後，我們要弄清楚幾點：(一)憑藉文字和古物研究歷史，並不能使過去的事實完全再現，再說每件歷史事實皆有它的特殊面，能使它再現的，僅是倚靠我人的經驗和直覺。(二)科學可以捉住相同的事物，正因為我人能控制它的再現，可以求出它的共相和通性或定理、定律，但是史學上就不簡單了，我們要儘量注意它的特殊面。(三)現代史學在政治、經濟、社會、宗教、藝術以至文學方面應有廣泛的研討。四歷史研究者須有哲學的氣質，參用科學的方法，獲取藝術的成果。(五)對史實的特殊相若不加解釋，只能做一個史料收藏家，算不得是真正的歷史學者。

我們現在應該知道，中國歷史在傳統的史籍以外，方志是有地域性的，另外還有一種家譜是氏族性的史料。這方志與家譜，足可幫助史家分別根據人、時、地、物四個因素來研究事態的始末，展開嶄新的歷史敘述。爲了適應時代需要，樹立清晰而有系統的概念，我們把選印本方志叢書的範疇，暫定爲鄉、縣、府、郡、行政區的地方史，及各種敘一物一事的專志等（如瀘水志、廬山志）。

明清以來，方志成爲地方官參照施政的要覽。若說依據方志便能瞭解該地的全情，未免過於誇張，所以研讀方志只能說有助於瞭解一地的過去情況，提供歷史專題研究的翔實資料，而且要從多種方志去探求同一節目，效果就高得多，現在把方志的功用，試述幾個實例如下：

- (1) 朱彝尊日下舊聞，陸心源宋史翼，顧炎武天下郡國利病書，大多係由各種方志取材。
- (2) 陳垣的元人也里可溫考，據至順鎮江志而作。
- (3) 張亮丞非律賓史上的李馬奔 (Limahong) 真人考，據閩粵方志而成。
- (4) 日人桑原騰藏作蒲壽庚事蹟，援引閩粵方志多種。
- (5) 日人加藤繁中國經濟史考證，何炳棣中國人口論，皆據很多方志的資料。

(6)專從物產而言：乾隆時豐潤縣志記載扇子本為朝鮮進貢大臣隨員售來民間，但品級低劣，不為一般人喜愛，豐潤人利用竹枝、風景、花鳥畫改良後，風行一時。這是涉及朝貢而又有興趣的史料。又如何炳棣曾利用方志研究中國的早熟稻種。

(7)元李好文長安志圖，詳載如何利用水力。很多方志皆有河工、灌溉、築堤的經費、徵工等資料，可供稽考。

(8)地方賦役的負擔，也可從方志比較輕重。

(9)往日的水陸交通、驛站距離，也可查知考證。

(10)鄉村市集、地方商業、對外貿易、典當、礦業，皆可在方志查考。蘇州府志有論孫春陽雜貨店的記述。高陽縣志論棉紡工業及第一次世界大戰期間的發展及各地市場情況，直敘到其後的衰落。這是工商榮衰遞變的史實。

(11)章學誠永清縣志對縣衙組織和差役的待遇，也是今日不易找到的資料。

(12)往昔教育制度的社學、義學、書院、學田、科舉應考生的旅費等，也可從方志查考。

(13)風俗、節日、寺院、壇觀、碑碣、古墓，在方志中均有豐富的記載可資考證。

(14)少數民族如苗、獠的風俗，方志記載也很可靠。

(15)歷任地方官的姓名、科舉名錄，更是考證上的極好資料。

從這些功用看來，方志確也含有一部份地理資料。乾隆四庫全書把它列入史部十五個子目之一的地理目，便是這個原故。到此，我們也要敘一敘方志的起源。有人認為漢袁康的越絕書，晉常璩的華陽國志是方志鼻祖；但那偏重地理性的圖經更可算是方志的前身。考據起來，由隋煬帝詔令天下各郡上呈當地風俗習慣及地圖，唐代令各郡每三年呈報人口一次，宋代又令潤月的年份要編圖經上呈朝廷，皆是圖經進展的實跡。宋代的志書已增列人物藝文，但遺存的很少。元代創編一統志，明代修纂一統志，因而徵求各省志書，方志的型態漸成一格。清代方志大盛，民國繼續修纂，有些省區曾急迫的限令於六個月內完成，內容自然就不免浮濫的譏評，所以刊本雖多，選讀的時候還須思量一下。本社致力於影印中國文史社會科學名著有年，此次選印的方志叢書，是完全依循前面所述的觀點，精選善本影印發行。更進一步，倘若國內外人士藏有孤本，本社願收入這部叢書，以貫徹素來發揚中國文化的精神。

赤溪縣志

吳道鎔署



中華民國九年
庚申歲冬編刊

赤溪縣志序

州縣立志肇自前明明之重州縣志書猶漢之重郡縣
守令以其與民親近而堅于信託也封建制度易為郡
縣則一朝之畫疆分治起于縣一代之徵文考獻亦必
先于縣縣無大小皆有土地人民政事其六科之典守
實舉朝廷六官之職司而皆備之固儼然具體而微之
侯封也故頒布憲章法度從上而敷于下者至縣而終
采摭風謠政俗由下而申于上者以縣為始縣之中與
地之形勢也建設之源流也物產之豐嗇也風氣之淳
漓也政教之隆替也人材之興衰也民生之苦樂也物
情之向背也今昔雜陳洪纖備列國家網羅載籍稽求

赤溪縣志

卷首

序文

一

掌故此焉徵取宰治者因勢利道孰當因革孰當損益
孰為緩急孰為先後亦展卷而得所鑒焉縣之有志不
綦重哉赤溪為縣設立危難之時建置在偏僻之地
幅員偏小規模草創泥迹者或苦其太局然時經危難
其人堅苦卓絕皆具發奮淬礪之精神地處偏僻其境
依山俯海實據雄偉壯濶之形勢志遠者得藉以為資
昔賈融保河西以遺中原之種田疇居無終而成都邑
之規何莫非偏僻之地歟獨是創制未久典策漚漫前
事易忘後此何觀官與民皆以為闕事爰集眾力倡編
志乘禮聘際熙總司纂輯熙奔竄餘生鉛槧束閣何敢
抗顏筆削惟昔曾設教是邦革造始末既聞梗概作述

得失不無系屬義詎容辭藉采訪諸君勤于搜剔分纂
羣彥善為編摩熙操觚而從其後星霜再易聿觀厥成
其於職方之所紀載匠人之所規度旬宣之所布濩循
良之所留遺以至弓旌之盛典幽潛之節操里巷之見
聞機祥之徵應藻翰之傳誦崖石之摩挲博訪旁搜目
張網舉登錄無關法戒斯存生斯土者知啟闢之所由
則知所以興起官斯土者知休戚之所在則知所以措
施進而輔軒下賁太史上陳知其俗尚土宜則知所以
興利而除弊則此業之成固不僅取備繁文空災梨棗
也已舊史官增城賴際熙序

赤溪縣志

卷首

序文

二

中華民國九年

仲冬刊

序

赤溪自清同治六年丁卯設治後越二十餘年江陰金運同淮生攝廳纂輯有雜誌一冊又越三十年衡陽王君大魯知縣事以雜誌尙畧倡議編成縣志集邑人士謀之設局治事公推邑中賢達分任編輯採訪諸務復延賴煥文太史爲總纂遂觀厥成時民國九年庚申歲冬也甲子春初李君璞純宰溪招余偕來悉是志已編成剞劂且大半不意中間人事多故忽忽又閱三年今始告竣蓋纂刊若斯之難也赤溪東西南三面瀕海山巒環疊與內地交通隔閼故風氣習尙亦頗殊焉然其民族團體結合甚固相親相愛讀書之士類多奮勵出

赤溪縣志

卷首序

三

外求學遠者且數千里竊意數年後民族丕變文化日新可預言矣至此志體例之精審蒐討之詳備汪序已言之不贅又汪君憬吾來溪遊幕時曾有雜誌之輯全余來此志適刊竣當司總纂者爲前主講赤溪書院之賴太史煥文志中所載江主事兩人流寓此間詩文甚夥又去縣治西南數十步有小丘巨石礪礪其北鑄有員山二字作篆體高尺餘係陶舍人子政代筆若四君者皆余鄉舉同年皆於溪有鴻雪之紀亦文字中之一段因緣也附記之以諗來哲

中華民國十五年丙寅仲冬番禺王棟序于赤溪縣署

序

丙寅冬同年友王堯堂介紹陳君達夫以赤溪志見
披誦一過不禁愀然而悲既又幡然而喜也蓋余於光
緒庚寅居金灘老赤溪暮中距今四十年矣赤溪負山
面海雖都聚草創而政簡俗醇地方有司可勸懲以親
民為務與衝繁之區簿書期會日不暇給官民有隔閡
之患者迥異灘老崇雅素恤民隱下車伊始訪問疾苦
即謀纂輯志乘以資攷鏡聞見所及輒筆之於書會丁
外艱去官掇拾叢彙為雜志二卷朶行薦紳父老皆以
為得未曾有餘嘗為文序之而奔走四方回憶幾如隔
世辛酉春訪灘老於常州年八十餘意興浩然相與登

赤溪縣志

卷首序

一

東坡臙舟亭飲酒賦詩追話前塵猶南望歛歛不置今
書成而墓有宿草豈不傷哉然晚世競談新學視舊聞
故事為土苴乃陳君與分纂諸君惓惓梓桑推本灘老
紀述之深愔益加摻討於山川夷險政治沿革學校風
俗之原士客兵事之變以及壇廟古蹟藝文金石莫不
條分縷析斐然成章復博訪通人就賴荔垞編修而釐
定之此豈薄俗所易及耶志載歸善江孝通主政詩文
甚夥孝通學有本原主書院講席文教為之一振尋居
母喪以哀毀卒惠州人士於豐湖築江孝子阡余曾臨
眺表回不忍去今赤溪山水勝處往往有其遺墨鄉人
能愛護之尤見風氣樸厚彼通都大邑凡豐碑名刻悉

舉而藝粉之者相去何如也孝通荔垞堯堂及余皆已
丑同歲鄉舉堯堂今長斯邑書適告成是吾數人文宇
因緣不期而先後聚於一隅殆冥冥中有若或使之者
乎異時劊劊工竟郵致常州告灘老之靈以慰志焉未
逮之思當更合泉壤而同為愉快也已陳君屬為隍引
因述今昔之感書以歸之若夫義例精善讀者自見無
俟觀獲焉番禺汪兆鏞序

赤溪縣志

卷首序

二

凡例

一廣東全省現修通志條例首定斷限以宣統三年爲止義當... 惟赤溪改廳爲縣事在宣統三年以後建置所... 不得不稍從權變展至縣志始編之日爲止以符名實

一志書分類... 亦因事蹟繁簡量爲離合也此志分目參酌... 府志新甯縣志茂名縣志嘉應州志折衷而定分總綱爲六志家墓不屬建置而入古蹟及災祥兵事分別紀載者則依茂名縣志例別立方... 一門不附輿地風俗類後則依嘉應州志例物產... 注釋則廣州嘉應茂名諸府州縣志多同又

赤溪縣志

卷首

凡例

二

將教堂... 於墟市後則依日下舊聞考而皆有所依據者也

一方志通例選舉一門皆以五貢爲始赤溪建置既晚若循嚴例則此類將闕今權將歲科取進諸生依次備列至取士之制已改則以學堂畢業業途續之身列庠序才稱秀茂亦何莫非書升選後之遺歟

一會稽章氏學誠論方志大政謂史傳人物現存者不合記載惟州縣之志循吏則但舉其治縣政蹟遷徙以後不復究其初終貞節婦女守節年限旌表既有定例年齡既過不必慮其變易惟此二類雖屬生存均可采輯竊取斯意不分存沒均與收錄者壽亦然

蓋有所授也

一赤溪五堡地方昔隸屬新甯自同治六年土客息關聯和始劃分廳治今改爲縣則赤溪設廳之所由來與夫土客械鬪之所由起止宜有以紀之故特編開廳始末一門附於紀述志後欲使後之覽者有所參稽云爾

赤溪縣志

卷首

凡例

四

編纂赤溪縣志職名

主編

赤溪縣知事王大魯

總纂

翰林院編修賴際熙

總編輯

分發福建任用縣知事陳用敏

總理局務兼分纂

附

生楊樹芬

增

生鄧景堯

分纂

生朱玉鑾

附

生李長春

附

生楊嘉樹

附

生袁肇濂

附

生曾子漢

貢

生吳玉培

繪圖

廣東測繪局科員廖景程

採訪兼謄錄

生葉蘭甫

赤溪縣志

卷首

職名

五

採訪

生吳朝弼

貢 生溫煥樞

監 生吳玉山

監 生江景曦

附 生曾耀奎

附 生葉錫圭

校對

廣東高等學 生羅煥基

廣東監獄學 生鄧景鏞

省立中學學 生溫啟賢

赤溪縣志

卷首

職名

六

廣東師範學 生陳用邦

法政大學肄業 生陳賡堯

經理局費

貢 生鍾志文

貢 生陳用光

襄理

把 總莊玉清

職 員鍾昌廉

監 生馬平兆

監 生吳煥廷

貢 生葉庭輝


職	員鍾顯泰
監	生林桃篆
職	員陳國超
監	生謝世銘
監	生鍾昌球
赤溪縣志	
卷首	職名
	七

赤溪縣志	中華民國九年編
卷首	
序文	
凡例	
編纂職名	
目錄	
輿圖	
卷一	
輿地志第一之上	
沿革	
疆域	
赤溪縣志	目錄
卷首	
	八
氣候	
山川	關隘海島村
都里	分局各鄉壩
風俗	
卷一	
輿地志第一之下	
方言	
物產	
卷二	
建置志第一	

縣境全圖

赤溪縣志

卷首 統圖



docsriver 文川网
入驻商家 古籍书城


在文川网搜索古籍书城 获取更多电子书

縣署圖

赤溪縣志 卷首 縣署圖

縣署圖 縮為五百分之一

七



赤溪縣志卷一

輿地志第一之上

度地居民王政所始分畫疆域闢世彌精禹貢分州以山川為限至周官保章氏以星土辨九州之地所封域分野之說實肇於此後世因之近則定以經緯之度晷刻分秒靡有舛舛法益密矣夫土地疆理所以束制其民也主父偃謂列郡數十形束壤制意即指此赤溪倚山俯海地偏而壤偏束制之法易施恢張之道尤亟其人民奮發淬厲其官吏搏節愛養使服先疇食舊德風氣蒸蒸日上焉是在家斯土與牧民者作輿地志

赤溪縣志

卷一輿地

小序

一

沿革表

世代統郡	秦 南海郡	漢 南海郡	晉 新會郡	宋 新會郡	齊 新會郡	梁 新會郡	陳 新會郡	隋 南海郡	唐 廣州	宋 廣州	元 廣州路	
縣	四會	四會	益允	益允	益允	益允	益允	新會	新會	新會	新會	
	漢書地理志云武帝元 元六年開屬交州縣六 會本漢四會縣地也 會龍川揭陽	宋書州郡志云恭帝元 熙二年分立南海新會 縣為新會郡治考益允 廢縣在新會縣東尋其 故城漢四會界盡新會 之西番再界盡新會之 東迤南至於海今赤溪 應屬益允地也					開皇初廢郡仁壽初改 開皇十年廢郡為縣又 併番禺大業初復曰南海 益允按舊唐書隋改封州 又改為岡州尋廢屬南海郡	武德四年復置廣州				

赤溪縣志

卷一輿地上

沿革表

一一

至元十五年
改廣州路

明

廣州府

新甯 民國三年
改名台山

洪武元年
改廣州府

宏治十一年以新會縣德行都之上坑頭等處拆置

清

廣州府

赤溪廳

同治六年割新甯縣屬潮居都姓崗都五堡地拆置廳治直隸廣東布政使司

民國粵海道

赤溪

民國元年廢府二年改民國元年
廣肇羅道為粵海道 改廳為縣

沿革考

漢南海郡之番禺兼合浦郡之臨允

按元和郡縣圖志新會縣漢四會縣地是也而

赤溪縣志

卷一輿地上 沿革表 三

歐陽忞輿地廣記新會縣漢番禺縣地其說不

合按新會隋改名岡州太平寰宇記引廣州記

云四會有金岡岡州即新會岡在其側因岡為

名也據此則屬四會而非番禺審矣其云合浦

之臨允尤誤考水經注云臨允縣王莽之大允

也牢水自縣北流經高要入於鬱水即今新興

河頭水也與新會無涉據此則非臨允地更無

疑矣

三國吳黃武五年析番禺臨允置平夷縣屬南海

郡

按平夷晉改新夷方輿紀要廢縣在新會縣西

四十五里據此則平夷與新甯赤溪無涉

晉恭帝元熙二年分南海立新會郡

益允 新夷

按宋書州郡志新會郡晉恭帝元熙二年分南海立廣州記曰永初元年分新甯立治益允未

詳孰是考晉書地理志云恭帝分南海立新會

通典亦云新會郡晉未置且益允廢縣在新會

縣東新甯郡今新興縣在新會西北百餘里地

域不相連廣州記言分新甯立殊誤

方輿紀要晉末分番禺縣置按元和郡縣志新

會本漢四會縣地吳析立平夷晉大康元年改

赤溪縣志

卷一輿地上 沿革表 四

新夷晉末又分番禺置益允屬南海郡尋為新

會郡治故洪氏補東晉疆域志以益允縣列新

夷縣之前考益允廢縣在新會縣東迤南至於

海今新甯赤溪殆均為益允地也

隋南海郡新會縣

按隋書地理志云新會郡廢郡為縣又併益允

并置封州治開皇十一年改允州後又改為岡

州尋廢屬南海郡考開皇初廢郡仁壽初改番

州大業初復曰南海郡故州廢則新會縣屬南

海郡也

明廣州府新甯縣

按明史地理志宏治十一年以新會縣德行都
之上坑前置析文章等五都地益之為新甯縣
清廣州府赤溪廳

按廣州府志清同治六年總督瑞麟巡撫蔣益
禮以新甯漕沖客民與土民息關聯和奏請割
新甯縣屬潮居都之赤溪磅礮漕沖銅鼓四堡
及深灣腰古金頭等處煙崗都之田頭一堡及
沖金長沙大麻小麻等處析置赤溪廳并添設
直隸同知一員司獄一員駐廳治理

民國粵海道赤溪縣

謹按民國元年廢道府制各府廳州名稱悉改

赤溪縣志 卷一 輿地上 沿革考 五

為縣赤溪遂於是年五月改廳為縣又二年復
設道畫定各巡道管轄區域原設廣肇羅道改
為粵海道轄縣三十二赤溪隸屬之九年復廢
道制直轄省長

疆域

縣治在省治西南四百一十五里至

京師六千零八十九里 廣東輿地全圖

面積二千八百八十八方里

陸占二千一百三十方里海占七百五十方里

東西距五十九里

南北距六十一里

據廣東陸軍測繪局測繪員廖景程蒞縣測量縣

治疆里實東西相距五十九里南北相距六十一

里前巡撫張人駿所編廣東輿地全圖載赤溪疆

域廣縱均作二十里實誤今從廖說

赤溪縣志 卷一 輿地上 疆域 六

東至燕子排十三里與香山縣洋面分界 由縣治起計下同

西至三合海口四十六里與台山縣洋面分界

南至大排四十里縣屬洋海

北至白石遷界碑十一里與台山縣陸地分界

東南至三杯酒四十里與香山洋面分界

西南至鹿頸嘴三十八里與台山縣洋面分界

東北至懸齒鼠山嘴界碑十四里與台山縣陸地分界

西北至絞蔗塘胡盧嘴界碑十八里與台山縣陸地分

界

按縣境西北與台山縣陸地毘連餘三面瀕海縣

治地處東偏面海環山形勢扼要東南海道與香

山縣屬大淋三龍蓮灣高欄南北水等處洋面接
界距香山縣舊縣丞駐劄之澳門一百二十里東
北海道與新會縣屬古兜厓門洋面接界距新會
之江門鎮一百四十里又西南海道與台山縣屬
烽火角廣海鷄罩山上川下川等處洋面接界距
台山縣城一百一十里距台山縣舊赤溪協右營
駐劄之廣海寨城七十里

坵清同治六年五月初二日巡撫蔣益澧分劃赤
溪疆界泐石告示 爲泐石建碑分疆畫界以垂
久遠而睦鄰事照得漕沖客眾既經就撫歸農
新甯土民亦須講信修睦同釋戈矛之憾永消蠻

赤溪縣志

卷一 輿地上

疆域

七

觸之爭然而經界不平難安耕墾田園不定易啟
猜嫌本鄙院一視同仁兩端各扣清其畝畝宅爾
宅而田爾田正厥井疆樂其樂而利其利凡自漕
沖田頭赤溪磅礮以內之地均歸客眾耘耕永
遠作爲世業客遺沖糞五十龍洞那扶深井四九
等處田廬悉屬土民經管仍候官爲杆踏特派文
武鎮道大員督同新甯縣饒令候補知縣陳令傳
集土紳趙樹藩趙定江客紳吳福堂楊梓釗及各
耆老村民等指山海以爲衡儼如天塹歷東西以
定界不與人爭其東路則由分水凹至磅礮尾磅
礮口藤苗直抵海濱爲界其西路則由分水凹至

尾廠猪母山冲金嘴直抵海濱爲界先削木以建
標恐丸泥之終改用是泐諸片石以冀永垂定章
合亟出示曉諭爲此示諭土客紳耆四民入等一
體遵照業因山以分址卽依界以豎碑桑柘千厓
無慮犬牙之交錯溪山一派敢同虎口之并吞本
部院沐雨櫛風特建伏波之銅柱願爾等飲和食
德長爲盛世之蒼生土有室而客有家惟碑可證
我無虞而爾無詐與石同堅痛改前非誕膺後福
特示

赤溪縣志

卷一 輿地上

疆域

八

按新甯縣志載東南界自潭活以南第三坑尾
之胡廬嘴與赤溪分界東向至龍舟潭界碑又
東至馬山頂界碑又東至蝦山界碑又東至飛
鵝山界碑又東至蛇山塘界碑又東至虎山頂
界碑又東至白石選界碑又東至馬頭山界碑
又東至龍頸選界碑又東至獅山頂界碑又東
至獅山嘴界碑又東至界隄直抵東海又由胡
廬嘴而西爲尾廠山界碑又西至猪母山頂界
碑又西至猪母山二頂界碑又西至牛山頂界
碑又西至牛矢選界碑又西至冲金山頂界碑
又西至冲金二頂界碑又西至冲金四頂界碑
又西至冲金嘴界碑又西由界隄至李秀圍又
西至李樂圍分界碑又西南直抵大海云云查

分疆告示內係由沖金嘴西向直抵海濱爲界
此謂又西南直抵云者實誤又該志村庄庄門載
沖金一村本未劃入赤溪近爲客人侵居云云
查清同治六年設廳時已劃出沖金山頂豎碑
爲界在沖金山以南地方應歸赤溪管轄無疑
而云本未劃入亦誤合併附注於此

民國六年修復田頭區沖金山嘴界隄

附廣東省長朱慶瀾碑文 爲勸石定界俾資信
守而垂久遠事查台山赤溪兩縣境雖分轄地本
相連錯等犬牙疆域之爭斯起訟興雀角土客之
見未融曩在前清之時會肇清沖之役經蔣撫院
赤溪縣志 卷一 輿地上 疆域 九

益體立碑畫界定案有年惟是歲月迭更滄桑屢
易前模漸失故迹稍湮近以界務之相持因而訟
端之復起先經粵海道尹王典章履境巡視得其
大凡酌定辦法茲復由本省長派令委員陳明德
會同台山縣知事譚學慈赤溪縣知事王大魯查
勘依舊界爲標準采新法以測量計由沖金山嘴
以達海濱畫定界綫一千二百五十九丈三尺七
寸豎立界石二十八條台界在北溪界居南其間
隄岸之繕修通道之疏濬田畝之讓與稅則之升
科均經安定規條繪具圖說呈明有案兩造具備
衆論僉同界限既明嫌疑悉泯用再勸石俾示來

茲從此畛域胥忘其鄰洽比守望相助無復此疆
彼界之爭耕鑿相安何待爾詐我虞之誓質成虞
芮黷泯魯邢有厚望焉

赤溪縣志

卷一 輿地上

疆域

十

暑度 分野附

地居天中其體渾圓與天度相應中國當赤道之北北極常見南極常隱南行二百五十里則北極低一度南極高一度北行二百五十里則北極高一度南極低一度北極高度即南北里差也東西偏度即東西里差也周禮土圭置槩為測景之法所自始然不明暑度星紀之說未詳不測實數星紀之法未密秦蕙田五禮通考所載廣東廣州府度分乃實測之數用黜星野之談天徵信言於暑度又南北經度易測東西緯度難知經度測二極之低昂緯度測月食之早晚欲定東西偏度必於兩地同測一月食較其時刻若早六十分時之二則赤溪縣志 卷一輿地上 暑度 十一

為偏西一度遲六十分時之二則為偏東一度廣東各處以輿圖經緯度數計之但能得偏度分數至秒數則不能知矣茲并錄元明所測北極度分以誌緣起焉據州府志

南海北極出地一十五度夏至景在表南一尺一寸六分晝五十四刻夜四十六刻元史天文志

廣東北極出地度分二十三度明史天文志

東西偏度廣東廣州府偏西五度同上

廣東二十三度十分秦蕙田五禮通志

廣東偏西三度三十分十五秒同上

江永日早十四分俱同上

赤溪

緯度北極出地二十一度五十六分四十秒廣東輿地全圖

經度距 京師中綫偏西三度二十九分一十秒同上

冬至日出卯正二刻十分五十三秒入酉初一刻四分七秒晝四十二刻八分一十四秒夜五十三刻六分四十六秒同上

夏至日出卯初一刻四分一秒入酉正二刻十分五十三秒晝五十三刻六分四十六秒夜四十二刻八分一十四秒同上

阮通志按測晷之法土圭置槩著於周官後世史書不言實測至唐開元十二年詔太史交州赤溪縣志 卷一輿地上 暑度 十一

測景夏至影表南長三十三分僧一行又為覆矩圖測得林邑國北極高一十七度四分安南都護府高二十六度六分林邑安南與廣州不甚相遠故但測西南之極邊即可以該廣南也其法不密至元郭守敬測影之術雖精於前人然以銅為影符鑽孔如芥子前仰後低以向太陽而日之高低每日不同銅片欹側亦不能盡合不合則光不透臨時遷就日已西移又不知地半徑差及近地清蒙氣是以所測不如今法之密矣我朝 聖祖仁皇帝生知天縱探象緯之原通中西之術靈臺測驗無累黍之差 高

宗純皇帝敬天法祖首重民時欽定熱河志刪
星野之談天測斗極之出地名曰晷度今敬遵
聖製立晷度一類云

分野

粵地牽牛婺女之分野今之蒼梧鬱林合浦交阯南

海皆粵分也

漢書地理志

南斗十二度至須女七度爲星紀於辰在丑吳越之

分野屬揚州費直起斗十度蔡邕起斗六度

晉書天文志

嶺南三代爲百粵之地在天文牽牛婺女越之分野

漢之蒼梧合浦南海皆其分也

馬端臨文獻通考

赤溪縣志

卷一輿地上

晷度

圭

廣東統部天文牛女翼軫分野星紀鶉尾之次

大清一統志

志

廣州府天文牛女分野星紀之次

同上

赤溪縣天文分野與廣州同

阮通志按十二次之名見於春秋傳國語爾雅

分列宿爲十二次漢以來推步用赤道變黃道

之術故官有一定之宿宿有常居之宮唐以後

雖以歲差爲法然天自爲天歲自爲歲宮與星

仍舊不易至國朝用西法以中氣過宮

如日躔冬至即

爲星紀而恒星有歲進之差於是宮無定宿而

宿可以遞居各宮矣分野以十二次爲主所謂

分星也見於周官保章氏以星土辨九州之地

所封封域皆有分星以觀妖祥鄭元注云其書

已亡堪輿雖有所入度非古數也據此則班固

漢書所稱引者亦非古數也所以費直蔡邕分

星入度二說不同而晉書天文志採陳卓范蠡

鬼谷張良京房張衡諸葛亮譙周之說又與費

蔡互異緣唐以前各宿度數推算未密故累代

不同又不知歲差宿無定宮之說是以占驗有

驗有不驗也占驗之術必辨九州之疆域乃知

災祥之所在而定疆域者又言人人殊即以粵

地言之或以粵地屬揚州或以屬荊州或謂不

赤溪縣志

卷一輿地上

晷度

圭

在九州之域議論紛紜載之不勝載惟胡渭沈

彤之說最爲明哲雖持論不同而言疆域者不

外此二說也

氣候

縣境濱臨洋海居近熱帶海氣蒸溽土卑而濕一歲之中燠多而寒少立春即暖而春深則又稍寒而寒必雨俗謂春寒雨起清明後炎氣漸蒸可服芋葛但其風暖其氣濕牆壁柱礎泚然滲液衣服器物悉生霉黴人於斯時易以微汗感冒致疾三月多海霧陰晴靡定四月五月多雨潦水暴發田隄崩決夏至百日早禾熟炎熱逼人或日杲杲忽見空中黑雲一片即大雨如注頃刻雲收雨止天復晴朗謂之過雲雨收穫者苦之六月至八月多發颶風由北而南拔木發屋人不寧處又颶風之來潮輒乘之瀕海圍田多遭浸沒又時東北風大發赤溪縣志

卷一輿地上

氣候

去

繼以暴雨終日夜或一二日始息謂之大水風風止雨霽則洪水汎濫圍禾亦被其害三伏俱酷熱有大風雨即覺微寒八月暑氣尤烈而清晨薄暮冷風微扇亦常中人縣人於清明天氣晴暖後及白露至微有涼風時均謂之寒熱交界偶然觸受輒發寒熱故起居尤慎秋宜常多夜雨謂之秋霖九月北風微至日猶蒸熱惟夜則稍寒入冬雖肅不嚴極寒不過數日窮臘久晴或至搖扇畢生不見雪偶見積冰一二分便謂為雪霜亦稀薄羣卉常榮百蟲不知深蟄一歲田三熟此炎微貞性與他縣異也其他氣候與廣州各屬畧同

颶風俗謂風猜廣州謂之風舊李肇國史補載南方海

人言海風四面而至名曰颶風颶風將至則多虹蜺名曰颶母其作自東北者必自北而西自西北者必自北而東而俱至於南乃定謂之回南否則間日復作諺云颶風不回南再來不待三又云回南大過北或一日夜或二三日夜乃止有一歲一作者有一歲數作者凡歲有一鬼打節則有一颶有二鬼打節則有二颶鬼鬼宿也打節者或立春立夏等節逢鬼宿也他如海氣腥濤聲吼海猪亂起海鳥交翔及天脚暈若半虹星光閃爍等俱主颶風之兆其發也則風輪震地萬籟驚號更袂以大雨則勢彌暴折樹揚沙壞墻破屋牛馬縮栗行人顛仆甚或風隨潮至淹沒廬舍蕩失禾稼覆舟傷物為

赤溪縣志

卷一輿地上

去

禍尤酷行舟之人見雲脚疏謂之颶風路則徙舟避之又石尤風兆與颶風同但颶風起止俗謂對時石尤則一發即止畧異也若夫夏月暴雨天昏如夕東北疾風走沙飛石名曰青凍天黑無雨西北風駛其聲如雷一日而止名曰赤游天容澹澹日光漸見無雨而颶旋起旋變名曰狂龍此皆風之異者也其常則南風為多季冬先春而至曰送年南北風時發曰北暴諺云朝發三暮發七夜半起風無過日又曰朝北晚南夜盪西以時占也潮長風起潮平風止以水占也又鵲巢亦占風巢高風小巢低風大蓋鳥得機先畏風覆巢是以巢之高下占風之大小

據阮通志廣州府志新甯志

又春夏間天晴無雨忽南風大作竟日不息者名曰狂
南冬間忽天容黯淡北風怒號竟日不息者名曰醒北
凡冬暖遇醒北必變寒冬間雨水纏綿遇醒北亦必晴
耶又在春季夏初忽疾風驟雨來自西北者名曰西北
牛能殺白翼蟲蟲比螟蟲小以白翼故名初遺種於秧
田內長育變蟲嗜蝕禾苗立槁最宜西北風以殺之

立春宜微寒諺云春寒春暖春寒蓋南中以春寒
為祥其望春寒所以望春暖也春立春也一春之寒暖
以立春卜之立春又宜晴諺曰春晴一春晴春陰一春
陰而元日則宜微雨宜北風宜西北東北風不宜南風
東風有微雨而北風則寒寒亦春暖之兆又以是日權
赤溪縣志 卷一輿地上 氣候 七

水重則雨多水輕則雨少日直其月十二日而止以
測十二月之水旱寒故水重水重者多雨而年豐之兆
也 據廣州府志 廣東新語

立春微雨兆有年諺曰乾冬溼年禾黍滿田
朔日雨主二月多雨每月交二十五日雨次月有雨曰隔
月雨

春霧晴秋霧雨冬霧不寒夏霧不暑
元日宜微雨諺云年溼冬乾農夫加殮

又正月不宜雷鳴諺云正月雷鳴二月雪三月田坭硬
過鐵又立秋日不宜雷鳴諺云雷打秋無半收 以上俱
新語新 甯縣志

正月八日為穀日晴為祥雨為災

二月初二日為社公誕日必有雨俗曰雨灑社公衣四
十五日水淋漓

驚蟄不宜雨諺云雨打驚蟄節二月雨不歇三月乾耙
田四月秧生節

清明宜晴穀雨宜雨諺云清明晴魚子上高坪清明雨
魚子陂下死又云春分秧穀雨薑

三月十六日為黃姑浸種日西南風立大雨
三月二十三日為天后誕日前後必風雨

立夏小滿俱宜雨諺云立夏不下高田且罷小滿不滿
芒種莫管

赤溪縣志 卷一輿地上 氣候 六
四月八日雨多則荔子多蛙而落

四月八日雨十四日無雨則穀多
四月二十俗曰小分龍

夏至後逢辰日謂之分龍日是日觀雨從某方來即分
得某方之龍自後雨必起於某方若他方起則雨不至

四月內寒主旱諺云夏雨寒井底乾
五月朔日宜雨雨則井泉浮年豐初二日不宜雨雨則
井泉乾年歉

五月五日不宜雨諺云端午晴乾農夫喜歡二十五六
宜雨諺云熟不熟但看五月念五六有雨耕上岡無雨

耕下塘

docsriver 文川网
入驻商家 古籍书城

在文川网搜索古籍书城 获取更多电子书

五月十三日為關公誕日必有雨俗曰關公磨刀水

五月二十俗曰大分龍皆宜雨不雨則歲歉

五月有三卯占有年以上俱據廣州府志通書占歲

六月十二日俗謂彭祖忌必有大風舟行忌之

凡六月有北風必作颶諺云六月無善北又諺云南風

頭北風尾蓋南風之烈在尾北風之烈在頭往往然也

據新甯縣志

夏秋間夜見電光由東發燄而閃向西者無雨諺云東

閃西閃湖洋遍圻惟見北閃者必雨南閃者亦三日內

有雨諺云南睽三夜北睽就射

七月七夕有雨則八月無雨處暑無雨則白露有雨白

赤溪縣志 卷一輿地上 氣候 九

露雨謂之苦雨禾沾之白颶葉生蟲蔬菜味苦

處暑不宜雨諺云處暑若逢天下雨縱然結實也難收

七月二十日俗謂天王誕最愛天晴諺云大雨大變小

雨小變不雨慶豐年

八月初一日無雨占來歲元日晴

重陽無雨占冬晴暖諺曰重陽無雨一冬晴

凡天晴暴雨忽作雨不避日日不避雨點大而疏是日

白撞雨亦曰過雲雨最宜早禾蘇子瞻詩夏畦流膏白

雨翻楊升菴云俗以暑雨乍落乍晴日光穿漏謂之天

笑即白雨也嶺海炎陬夏熱尤盛故多白雨諺云早禾

壯須白撞或日色微黃且日且雨是曰黃日雨亦曰黃

雨其氣溽而蒸易生白翼螟蟲最不宜禾又晚禾宜秋

霖夜雨故諺云早禾宜白雨翻造望秋霖其或東望濃

雲有雷電而雨西則否或南望濃雲有雷電而雨北則

否是則分龍雨亦禾之宜其不宜者二蟲蠱者蟲也其

生於雨者曰雨蟲生於風者曰風蟲據廣府志廣東新語

霜降日不宜風諺云人怕老來窮禾怕霜降風又云霜

降降齊禾恐是時有風穎脫不實故也

甘蔗畏雪亦兼畏霜縣境霜薄其植獨繁茂而味較他

縣為甘脆

凡春夏秋冬甲子日均不宜雨諺云春甲子雨牛羊凍

死夏甲子雨搖船入市秋甲子雨禾生兩耳冬甲子雨

赤溪縣志 卷一輿地上 氣候 十

赤地千里

縣屬月令 孟春之月萬物滋榮桃李盛花生菜秀老圃種薑翦韭

田功興

仲春之月雷發聲虹蜺見魚苗生蜺降於霧甘蔗初芽

秧鍼微綠農功畢作

季春之月溫風至解褐衣袷梅子熟催耕之鳥聲頻聞

鳴蛙鼓噪

孟夏之月高榕蔽日紫菱照水白雨以時至明蝦出膏

蟹團臍

仲夏之月荔支丹芒菓熟蟬初噪羣蟻朝其祠鈞割鳴

年早禾登場

季夏之月白雨足潦水至颶風乘潮芭蕉垂苦瓜入饌是月也新穀既登亟播晚稻

孟秋之月秧鉞重緣蘿田浮蝴蝶營繭桐子結實龍眼熟橄欖登是月也暑始酷燥石流金

仲秋之月木芙蓉花桂芬馥芋可剝鷓母息影紙鳶翻風河豚乘潮而上

季秋之月紅蓼登白穠落菊花盛開稻蟹復肥農收大粘

孟冬之月嶺梅芳銀河見潮田盡登圍魚入于市牛乃放閉是月也霜始下氣乃寒

赤溪縣志 卷一 輿地上 氣候 三

仲冬之月桃始華冬筍出楓漸丹鷓鴣蔽葉畚田諸菜爭茂是月也農歛穀困涸塘以魚

季冬之月朔風栗烈甲鐘着花瑞蘭賀春家釀香於簪南風微至蟲不絕吟草木漸萌

謹按五嶺以南地卑土溼雨暘寒暑凡各郡縣大

致無殊茲就阮通志及廣府志所引載各籍其論敘嶺海氣候有與吾溪相似者附錄於後以誌其概焉

漢書晁錯傳云楊越之地少陰多陽其人疏理鳥獸希毛其性耐暑

李紳追昔游集云南中虹四時長見數則多颶風燕

不歸蟄燕泥多沙人懼其沾污於人每逐其巢也

太平御覽投荒錄云南方春時晴霽即如夏陰雨即如冬不復有韶光麗景若通四時言之夏多而微有冬春秋不復辨矣

又云嶺南方盛夏率一日十餘陰十餘霽雖大雨傾注頃即赫日已復驟雨大凡嶺表夏之炎熱甚於北土自三月至九月皆蒸熱

太平御覽南越志云熙安間多颶風颶者具四方之風也一日颶風言怖懼也常以六七月興未至時三日鷄犬為之不鳴大者或至七日小者一二日外國以為黑風

赤溪縣志 卷一 輿地上 氣候 三

太平御覽嶺表錄異云南中夏秋多惡風彼人謂之颶風壞屋折樹不足喻也甚則吹屋瓦如飛蝶或三二年不一風或一年兩三風亦繫連帥德政之臧否者然發則自午及酉夜半必止此乃飄風不終朝之義也

劉恂嶺表錄異云沓潮者廣州去大海不遠二百里每年八月潮水最大秋中復多颶風當潮水未盡退之間颶風作而潮又至遂淹没人廬舍蕩失禾稼沉溺舟船南中謂之沓潮或十數年一有之俗呼為海翻為漫天

東坡詩集云嶺南氣候不常吾常曰菊花開時乃重